

TOSHKENT HAQIQATI

2023-yil
15-mart
CHORSHANBA
№ 13 (13572)

1928-yil 11-dekabrda asos solingan.

@haqiqatonline

Haqiqat online

haqiqatonline



QR-kod

Хар кунинг Наврўз бўлсин, жонажон Ўзбекистоним!



Махмуд ТОИР
Ўзбекистон халқ шоири

Бизни йўқлаб келган баҳорга салом

Ёмғирлар осмоннинг ерга инъоми,
Майсалар заминнинг яшил каломи,
Шундоқ яраларкан умр мароми,
Бизни йўқлаб келган баҳорга салом.

Хар новда кувончи – кўз очган куртак,
Худодан хушхабар кўкармак, унмак,
Аё дўст, бу дамга шукрона керак,
Бизни йўқлаб келган баҳорга салом.

Лопалар повллар лобар қизлардек,
Оқ булут хуш ёқар оппоқ юзлардек,
Сумалак сузишар ифдор сузгандек,
Бизни йўқлаб келган баҳорга салом.

Кўнгилар кўклашар, кўнгилар гуллар,
Туйғу тўлқинидан тошади диллар,
Қўр тўкиб дуога очилар кўллар,
Бизни йўқлаб келган баҳорга салом.

Кувонч кўнгирогин чалгувчи фасл,
Минг битта дардинани олувчи фасл,
Фасллар париси – асил-да, асил,
Бизни йўқлаб келган баҳорга салом.

Олам қақшаганди қишнинг қаҳрида,
Энди энтиқади баҳор бағрида,
Махмуд кўлоч отар илҳом наҳрида,
Бизни йўқлаб келган баҳорга салом.



ПАРКЕНТ ЧЕВАРЛАРИГА БАЛЛИ!

Паркент туманининг "Гулистон" маҳалласида жойлашган "A'la 1 textile" МЧЖ қошида янги тикувчилик цехи ташкил этилди. Айни пайтда цехда 50 нафар хотин-қизнинг бандлиги таъминланган. Туркиялик тадбиркор, корхона раҳбари Эрин Синаннинг таъкидлашича, мазкур цехда йилига 8 минг дона болалар ва катталар кийимлари тайёрланиб, Туркия, Россия, Қозоғистон давлатларига экспорт қилинади.



Ўтган йилнинг сўнгги кунларида Янгийўл шаҳрининг "Бахт" маҳалласида яна бир корхона ишга тушиди. Бошланishi 35 кишининг бандлиги таъминланган "Зухро текстиль" МЧЖнинг асосий фаолияти мато тўқиш бўлиб, ускуналар Вьетнам ва Корейдан келтирилган. Корхонада кунига 400 килограмм маҳсулот тўқилади.



ХАР ҚАРИЧИГА ХОРИЖ ХАРИДОР

Ўзбекистонда ишлаб чиқарилган

– Тўқимачилик қадимий хунарлардан бири, – дейди корхона иш бошқарувчиси Аҳаджон Қодиров. – Уни қадрлаган борки, албатта, барака топади. Биз ҳам шу анъанани давом эттирмоқдамиз. Корхонамизда асосан бир, икки ва уч ипли матолар тўқилади. Келгусида ишни кенгайтириш ҳаракатидамиз. Айни пайтда мақбул жой излаяпмиз. Янги корхонада яна 35 иш ўрни яратамиз.

Корхонада битта ишчи 2 та дастгоҳни бошқармоқда. Мато тайёр бўлиши учун биргина ускунада 300 дона нина тиммай "ишляпти". Хом ашё Наманган ва Қашқадарёдан келтирилади. Тайёр маҳсулотлар эса 100 фоиз экспорт қилинмоқда.

Нозима РАСУЛОВА
Тошкент ҳақиқати/
Жалолиддин ЭСОНОВ
олган суратлар



БИР ДАРАХТ ДАН ТУРФА МЕВАЛАР

Маълумки, ҳамма мевали дарахт кўчатлари асосан куртак пайванд қилиш йўли билан кўпайтирилади. Хўш, томорқа боғларида ёввойи, пайвандланмаган ёки пайвандтагдан чиққан ёввойи новдалар ҳисобига тикланган дарахтларни маданийлаштириш учун нима қилиш керак?



Боғдорчилик


Илмий тажрибалар ёрдамида аниқландики, дарахт қанчалик ёш бўлса, шунчалик пайвандни яхши олади. Уруғли меваларга қилинган пайвандлар данакли меваларга нисбатан яхши тутади. Пайвандлашнинг бир қанча

усуллари (қаламча пайванд, куртак пайванд, искана пайванд ва ҳоказолар) мавжуд бўлиб, барча усуллар ўсимлик навини яхшилаш ва ундан юқори ҳосил олиш мақсадида амалга оширилади.

Дарвоқе

БЕРК КЎЧАДАГИ БЕКОБОДЛИКЛАР ЁХУД ЭНГ ЁМОН СТАРТ

Футбол бўйича Ўзбекистон чемпионатининг навбатдаги мавсуми старт олди.



Дастлабки турлар клубларнинг мавсумга қай даражада тайёрлигини кўрсатди. Тошкент вилоятининг икки жамоаси – Олмаликнинг ОКМК ҳамда Бекободнинг "Металлург"и учун чемпионат турпи сценарийда бошланди. Олмаликликлар рақибларини бирин-кетин мағлуб этиб, бу мавсумда ҳам совринли ўринлар учун даъвогарлардан эканига муҳлислар-у мутахассисларни ишонтиришга ҳаракат қилаётган бир пайтда бекободликлар муаммолар гирдобига тушиб қолишгани аён бўлди... Ҳақиқатан ҳам, "Металлург" жамоаси сўнгги 7 йилдаги энг ёмон натижани қайд этмоқда. Бекобод-

Кун тасвири

ЮҚОРИ ЧИРЧИҚ тумани прокурори У. Ганиев ташаббусига кўра, туманининг 2-сектор ҳудудидаги "Қангли", "Миям қангли" ҳамда "Булоқбоши" маҳаллалари аҳолиси билан сайёр қабул ўтказилди. Унда фуқаролар ўзларини қийнаётган муаммолар юзасидан берган саволларига жавоб олишди. Муддат талаб этиладиган масалалар эътиборга олинди.

АНГРЕН шаҳар ҳокимининг биринчи ўринбосари Я. Наралиев корхона, ташкилот ва муассаса раҳбарлари билан соҳалар кесимида амалга оширилиши лозим бўлган галдаги вазифаларни муҳокама қилди. Шунингдек, қуёш панелларини ўрнатиш бўйича топшириқлар берди.

БЕКОБОД шаҳрида "Наврўз – беш ташаббус билан" шиори остида байрам тадбири ўтказилди. Унда китоблар тақдими, асфальтга расм чизиш, гуллар ва кушлар кўргазмаси, миллий ўйинлар мусобақаси, "Наврўз таомномаси" бўйича танловлар ўтказилди. Ғолибларга фахрий ёрлик ва эсдалик совгалари топширилди.

Ўзбекистон Республикаси Бош вазири ўринбосари – Зулайхо Маҳаммадова **ТОШКЕНТ тумани** маҳаллаларидаги хотин-қизлар фаоллари фаолияти билан танишди ҳамда уй беккалари билан мулоқот қилди.



ТОШКЕНТ вилоятида 308 минг 536 нафар фуқарога идентификация ID карталари расмийлаштириб берилди.

3

3

